

OFFICIUM

SACRATISSIMI CORDIS

DOMINI NOSTRI JESU CHRISTI

recitandum ex Apostolico indulto Feria sexta
post octavam Corporis Christi.



AD VESPERAS

Antiph. De torrente in
via bibit; propterea exal-
tavit caput.

Psalmus 109.

Dixit Dominus Domino
meo: * Sede à dextris meis;
Donec ponam inimicos
tuos, * scabellum pedum
tuorum.

Virgam virtutis tuæ emit-
tet Dominus ex Sion: * do-
minare in medio inimico-
rum tuorum.

Tecum principium in die
virtutis tuæ in splendoribus
sanctorum: * ex utero an-
te luciferum genui te.

Juravit Dominus, et non
pœnitebit eum: * Tu es sa-
cerdos in æternum secun-
dum ordinem Melchise-
dech.

Dominus à dextris tuis: *
confregit in die iræ suæ re-
ges.

Judicabit in nationibus,
implebit ruinas: * con-

quassabit capita in terra
multorum.

De torrente in via bibet: *
propterea exaltabit caput.

Antiph. De torrente in
via bibit; propterea exalta-
vit caput.

Antiph. Miserator Do-
minus redemptionem misit
populo suo.

Psalmus 110.

Confitebor tibi, Domine,
in toto corde meo, * in
consilio iustorum, et con-
gregatione.

Magna opera Domini: *
exquisita in omnes volun-
tates ejus.

Confessio et magnificen-
tia opus ejus: * et justitia
ejus manet in seculum se-
culi.

Memoriam fecit mirabi-
lium suorum misericors et
miserator Dominus: * es-
cam dedit thirentibus se.

Memor erit in seculum
testamenti sui: * virtutem
operum suorum annuntiabit
populo suo.



Ut det illis hæreditatem Gentium: * opera manuum ejus, veritas, et judicium.

Fidelia omnia mandata ejus, confirmata in seculum seculi; * facta in veritate, et æquitate.

Redemptionem misit populo suo: * mandavit in æternum testamentum suum.

Sanctum et terribile nomen ejus: * initium sapientiæ timor Domini.

Intellectus bonus omnibus facientibus eum: * laudatio ejus manet in seculum seculi.

Antiph. Miserator Dominus redemptionem misit populo suo.

Antiph. Apud Dominum misericordia, et copiosa apud eum redemptio.

Psalmus 137.

De profundis clamavi ad te, Domine: * Domine, exaudi vocem meam.

Fiant aures tuæ intendentes * in vocem deprecationis meæ.

Si iniquitates observaveris, Domine: * Domine, quis sustinebit?

Quia apud te propitiatio est: * et propter legem tuam sustinui te, Domine.

Sustinuit anima mea in verbo ejus: * speravit anima mea in Domino.

A custodia matutina usque ad noctem * speret Israel in Domino:

Quia apud Dominum misericordia, * et copiosa apud eum redemptio.

Et ipse redimet Israel * ex omnibus iniquitatibus ejus.

Antiph. Apud Dominum

misericordia, et copiosa apud eum redemptio.

Antiph. Super misericordia tua, Domine, confitebor tibi in toto corde meo.

Psalmus 137.

Confitebor tibi, Domine, in toto corde meo: * quoniam audisti verba oris mei.

In conspectu Angelorum psallam tibi: * adorabo ad templum sanctum tuum, et confitebor nomini tuo

Super misericordia tua, et veritate tua: * quoniam magnificasti super omne nomen sanctum tuum.

In quacunque die invocavero te, exaudi me: * multiplicabis in anima mea virtutem.

Confiteantur tibi, Domine, omnes reges terræ: * quia audierunt omnia verba oris tui:

Et cantent in viis Domini, * quoniam magna est gloria Domini:

Quoniam excelsus Dominus, et humilia respicit, * et alta à longè cognoscit.

Si ambulavero in medio tribulationis, vivificabis me: * et super iram inimicorum meorum extendisti manum tuam, et salvum me fecit dextera tua.

Dominus retribuet pro me: * Domine, misericordia tua in seculum: opera manuum tuarum ne despicias.

Antiph. Super misericordia tua, Domine, confitebor tibi in toto corde meo.

Antiph. Suavis Dominus universis, et miserationes ejus super omnia opera ejus.

Psalmus 144.
Exaltabo te, Deus meus
 Rex; * et benedicam no-
 mini tuo in seculum, et in
 seculum seculi.

Per singulos dies benedi-
 cam tibi, * et laudabo no-
 men tuum in seculum, et in
 seculum seculi.

Magnus Dominus, et lau-
 dabilis nimis: * et magnitu-
 dinis ejus non est finis.

Generatio et generatio lau-
 dabit opera tua, * et po-
 tentiam tuam pronuntiabunt:

Magnificentiam gloriæ
 sanctitatis tuæ loquentur, *
 et mirabilia tua narrabunt:

Et virtutem terribilium tuo-
 rum dicent, * et magnitudi-
 nem tuam narrabunt:

Memoriam abundantiae
 suavitatis tuæ eructabunt, *
 et justitiâ tuâ exultabunt.

Miserator et misericors
 Dominus, * patiens, et
 multum misericors.

Suavis est Dominus uni-
 versis, * et miserationes e-
 jus super omnia opera ejus.

Confiteantur tibi, Domi-
 ne, omnia opera tua; * et
 sancti tui benedicant tibi.

Gloriam regni tui dicent: *
 et potentiam tuam loquen-
 tur:

Ut notam faciant filiis ho-
 minum potentiam tuam, *
 et gloriam magnificentiae
 regni tui.

Regnum tuum, regnum
 omnium seculorum: * et do-
 minatio tua in omni gene-
 ratione, et generatione in.

Fidelis Dominus in omni-
 bus verbis suis; * et sanc-
 tus in omnibus operibus
 suis.

Allevat Dominus omnes
 qui corruunt, * et erigit
 omnes elisos.

Oculi omnium in te spe-
 rant, Domine; * et tu das
 escam illorum in tempore
 opportuno.

Aperis tu manum tuam; *
 et imples omne animal be-
 nedictione.

Justus Dominus in omnibus
 viis suis, * et sanctus in
 omnibus operibus suis.

Propè est Dominus invo-
 cantibus eum: * omnibus
 invocantibus eum in veri-
 tate.

Voluntatem timentium se
 faciet, * et deprecationem
 eorum exaudiet, et salvos
 faciet eos.

Custodit Dominus omnes
 diligentes se; * et omnes
 peccatores disperdet.

Laudationem Domini lo-
 quetur os meum: * et be-
 nedicat omnis caro nomini
 sancto ejus in seculum, et
 in seculum seculi.

Antiph. Suavis Dominus
 universis, et miserationes
 ejus super omnia opera ejus.

Capitulum. Cant. 3.

Egredimini, et videte, fi-
 liae Sion, regem Salomonem
 in diademate, quo corona-
 vit eum mater sua in die des-
 ponsationis ejus, et in die
 lætitiæ Cordis ejus.

Hymnus.

Quicumque certum quæ-
 ritis

Rebus levamen asperis,
 Seu culpa mordet anxia,
 Seu pœna vos premit co-
 mes;

Jesu, qui ut agnus innocens

Sese immolandum tradidit,

Ad Cor reclusum vulnere,

Ad mite Cor accedite.

Auditis ut suavissimis

Invitet omnes vocibus?

Venite quos gravat labor,

Premitque pondus criminum.

Quid Corde Jesu mitius?

Jesum cruci qui affixerant

Excusat, et Patrem rogat

Ne perdat ultor impios.

O Cor, voluptas cœlitum!

Cor fida spes mortalium!

En hisce tracti vocibus

Ad te venimus supplices.

Tu nostra terge vulnere

Ex te fluente sanguine:

Tu da novum cor omnibus,

Qui te gementes invocant.

Amen.

✠ Miserator, et misericors Dominus:

✠ Longanimis, et multum misericors.

Ad Magnificat

✠ Antiph. Misericordia Domini à progenie in progenies timentibus eum. Alleluia.

✠ Oratio.

✠ Fac nos, Domine Jesu, sanctissimi Cordis tui virtutibus indui, et affectibus inflammaris: ut et inagini bonitatis tuæ conformes, et tuæ redemptionis inereamur esse participes; Qui vivis et regnas...

✠

✠

✠

✠

✠

✠

✠

✠

✠

✠

✠

✠

✠

AD MATUTINUM

Invitatorium.

Cor Jesu, charitatis victimam, ✠ Venite, adoremus.

✠ Psalm. Venite, exultemus Domino..

✠ Hymn. Quicumque certum quæritis... ut supr. ad Vesperas.

IN I. NOCTURNO

✠ Antiph. Factum est cor meum tanquam cera liquescens in medio ventris mei.

Psalmus 21.

Deus, Deus meus, respice in me: quare me dereliquisti? ✠ longè à salute mea verba delictorum meorum.

Deus meus, clamabo per diem, et non exaudies; ✠ et nocte, et non ad insipientiam mihi.

Tu autem in sancto habitas, ✠ Laus Israel.

In te speraverunt patres nostri: ✠ speraverunt, et liberasti eos.

Ad te clamaverunt, et salvi facti sunt: ✠ in te speraverunt, et non sunt confusi.

Ego autem sum vermis, et non homo: ✠ opprobrium hominum, et abjectio plebis.

Omnes videntes me, deriserunt me: ✠ locuti sunt labiis, et moverunt caput.

Speravit in Domino, eripiat eum, ✠ salvum faciat eum, quoniam vult eum.

Quoniam tu es qui extraxisti me de ventre: ✠ spes mea ab uberibus matris meæ.

In te projectus sum ex ute-

ro: de ventre matris meæ
Deus meus es tu: * ne dis-
cesseris à me:

Quoniam tribulatio pro-
xima est: * quoniam non
est qui adjuvet.

Circumdederunt me vituli
multi: * tauri pingües obse-
derunt me.

Aperuerunt super me os
suum, * sicut leo rapiens,
et rugiens.

Sicut aqua effusus sum: *
et dispersa sunt omnia os-
sa mea.

Factum est cor meum
tanquam cera liquescens *
in medio ventris mei.

Aruit tanquam testa vir-
tus mea, et lingua mea ad-
hæsit faucibus meis, * et
in pulverem mortis deduxis-
ti me.

Quoniam circumdederunt
me canes multi: * concilium
inimicantium obsedit me.

Foderunt manus meas, et
pedes meos: * diruerunt
verunt omnia ossa mea.

Ipsi verò consideraverunt,
et inspexerunt me: * divi-
serunt sibi vestimenta mea,
et super vestem meam mi-
serunt sortem.

Tu autem, Domine, ne
elongaveris auxilium tuum à
me: * ad defensionem meam
conspice.

Erue à framea, Deus, a-
nimam meam, * et de ma-
nu canis uncam meam.

Salva me ex ore leonis, *
et à cornibus unicornium
humilitatem meam.

Narrabo nomen tuum fra-
tribus meis: * in medio ec-
clesiæ laudabo te.

Qui timetis Dominum, lau-
date eum: * universum se-
men Jacob, glorificate eum.

Timeat eum omne semen

Israel: * quoniam non spre-
vit, neque despexit depre-
cationem pauperis:

Nec avertit faciem suam
à me, * et cum clamarem
ad eum, exaudivit me.

Apud te laus mea in ec-
clesia magna: * vota mea
reddam in conspectu timentium eum.

Edent pauperes, et satu-
rabuntur, et laudabunt Do-
minum, qui requirunt eum: *
vivent corda eorum in secu-
lum seculi.

Remiscentur, et conver-
tentur ad Dominum * uni-
versi fines terræ:

Et adorabunt in conspec-
tu ejus * universæ familiæ
gentium:

Quoniam Domini est reg-
num, * et ipse dominabi-
tur gentium.

Manducaverunt, et ado-
raverunt omnes pingües ter-
ræ: * in conspectu ejus ca-
dent omnes qui descendunt
in terram.

Et anima mea illi vivet: *
et semen meum serviet ipsi.

Annuntiabitur Domino ge-
neratio ventura: * et an-
nuntiabunt cæli justitiam e-
jus populo qui nascetur,
quem fecit Dominus.

Antiph. Factum est cor
meum tanquam cera liques-
cens in medio ventris mei.

Antiph. Speravit cor meum
in Domino, et adjutus sum;
et reffloruit caro mea.

Psalmus 97.

Ad te, Domine, clama-
bo: Deus meus, ne sileas à
me: * ne quando taceas à
me, et assimilabor descen-
dentibus in lacum.

Exaudi, Domine, vocem

deprecationis meæ, dum oro ad te; * dum extollo manus meas ad templum sanctum tuum.

Ne simul trabas me cum peccatoribus; * et cum operantibus iniquitatem ne perdas me:

Qui loquuntur pacem cum proximo suo; * mala autem in cordibus eorum.

Da illis secundum opera eorum, * secundum nequitiam ad inventionem ipsorum.

Secundum opera manuum eorum tribue illis; * redde retributionem eorum ipsis.

Quoniam non intellexerunt opera Domini, et in opera manuum ejus; * destrues illos, et non ædificabis eos.

Benedictus Dominus; * quoniam exaudivit vocem deprecationis meæ.

Dominus adiutor meus, et protector meus; * in ipso speravit cor meum, et adiutor sum.

Et refioruit caro mea; * et ex voluntate mea confitebor ei.

Dominus fortitudo plebis suæ, * et protector salvationum Christi sui est.

Salvum fac populum tuum, Domine, et benedic hæreditati tuæ; * et rege eos, et extolle illos usque in æternum.

Antiph. Speravit cor meum in Domino, et adjutus sum; et refioruit caro mea.

Antiph. Convertisti planctum meum in gaudium mihi, et circumdedisti me lætitiâ.

Psalmus 29.

Exaltabo te, Domine, quoniam suscepisti me; ne delectasti inimicos meos super me.

Domine Deus meus, clamavi ad te, * et sanasti me.

Domine, eduxisti ab inferno animam meam; * salvasti me à descendantibus in lacum.

Psallite Domino, sancti ejus; * et confitemini memorie sanctitatis ejus.

Quoniam ira in indignatione ejus; * et vita in voluntate ejus.

Ad vesperum demorabitur fletus; * et ad matutinum lætitia.

Ego autem dixi in abundantia mea; * Non movebor in æternum.

Domine, in voluntate tuâ præstitisti decori meo virtutem.

Avertisti faciem tuam à me; * et factus sum conturbatus.

Ad te, Domine, clamabo, * et ad Deum meum deprecabor.

Quæ utilitas in sanguine meo, * dum descendo in corruptionem?

Nunquid confitebitur tibi pulvis, * aut annuntiabit veritatem tuam?

Audivit Dominus, et miseratus est mei; * Dominus factus est adiutor meus.

Convertisti planctum meum in gaudium mihi, * conscidisti saccum meum, et circumdedisti me lætitiâ:

Ut cantet tibi gloria mea; et non compungar; * Domine Deus meus, in æternum confitebor tibi.

Ant. Convertisti placentium meum in gaudium mihi, et circumdedisti me lætitia.

✠. Ego autem in Domino gaudebo;

✠. Et exultabo in Deo Jesu meo.

Pater noster...

Absolutio. Exaudi, Domine...

✠. Jube, Domne, benedicere.

Benedictio. Benedictio-
ne perpetua...

De Epistola beati Pauli
Apostoli ad Ephesios.

Lectio I. Cap. I.

Benedictus Deus, et Pater Domini nostri Jesu Christi, qui benedixit nos in omnibenedictione spirituali in cœlestibus in Christo, sicut elegit nos in ipso ante mundi constitutionem, ut essemus sancti et immaculati in conspectu ejus in charitate. Qui prædestinavit nos in adoptionem filiorum per Jesum Christum in ipsum: secundum propositum voluntatis suæ, in laudem gloriæ gratiæ suæ, in qua gratificavit nos in dilecto Filio suo: in quo habemus redemptionem, per sanguinem ejus, remissionem peccatorum secundum divitias gratiæ ejus. Propterea non cesso gratias agens pro vobis, memoriam vestri faciens in orationibus meis: ut Deus, Domini nostri Jesu Christi Pater gloriæ, det vobis spiritum sapientiæ, et revelationis, in agnitione ejus: illuminatos oculos cordis vestri, ut sciatis quæ sit spes

vocationis ejus, et quæ divitiæ gloriæ hæreditatis ejus in sanctis.

✠. Gratificavit nos Deus in dilecto Filio suo: In quo habemus redemptionem per sanguinem ejus, remissionem peccatorum.

✠. Det nobis Dominus illuminatos oculos cordis nostri, in agnitione ejus.

In quo habemus...

Lectio II. Cap. 2.

Deus autem, qui dives est in misericordia, propter nimiam charitatem suam, qua dilexit nos, et cum essemus mortui peccatis, convivificavit nos in Christo, (cujus gratia estis salvati) et conresuscitavit, et consedere fecit in cœlestibus in Christo Jesu: ut ostenderet in seculis supervenientibus abundantes divitias gratiæ suæ, in bonitate super nos, in Christo Jesu. Ipse enim est pax nostra, qui fecit utraque unum; et medium parietem maceræ solvens, inimicitias in carne sua: legem mandatorum decretis evacuans, ut duos condat in semetipso in unum novum hominem, faciens pacem, et reconciliet ambos in uno corpore, Deo per crucem, interficiens inimicitias in semetipso. Et veniens, evangelizavit pacem vobis, qui longè fuistis, et pacem iis, qui propè. Quoniam per ipsum habemus accessum ambo in uno Spiritu ad Patrem.

✠. Propter nimiam charitatem suam, qua dilexit nos Deus, ostendit abundantes divitias gratiæ suæ,

In bonitate super nos, in Christo Jesu.

Ipse enim est pax nostra; per quem habemus accessum ad Patrem.

In bonitate super nos...

Lectio iij. Cap. 3.

Hujus rei gratia flecto genua mea ad Patrem Domini nostri Jesu Christi, ex quo omnis paternitas in cœlis et in terra nominatur, ut det vobis secundum divitias gloriæ tuæ virtute corroborari per Spiritum ejus in interiorem hominem, Christum habitare per fidem in cordibus vestris: in charitate radicati, et fundati, ut possitis comprehendere cum omnibus sanctis, quæ sit latitudo, et longitudo, et sublimitas, et profundum: scire etiam supereminentem scientiæ charitatem Christi, ut impleamini in omnem plenitudinem Dei. Ei autem, qui potens est omnia facere superabundanter quàm petimus, aut intelligimus, secundum virtutem, quæ operatur in nobis; ipsi gloria in Ecclesia, et in Christo Jesu in omnes generationes seculi seculorum. Amen.

Det nobis Dominus virtute corroborari per Spiritum ejus, in interiorem hominem, Christum habitare per fidem in cordibus nostris:

Ut in charitate radicati, et fundati, comprehendamus supereminentem scientiæ charitatem Christi, Christum habitare...

Gloria Patri...

Christum habitare...

IN II. NOCTURNO

Antiph. Gustate et videte quoniam suavis est Dominus: beatus vir qui sperat in eo.

Psalmus 33.

Benedicam Dominum in omni tempore: * semper laus ejus in ore meo.

In Domino laudabitur anima mea: * audiant mansueti, et lætentur.

Magnificate Dominum mecum, * et exaltemus nomen ejus in idipsum.

Exquisivi Dominum, et exaudivit me: * et ex omnibus tribulationibus meis eripuit me.

Accedite ad eum, et illuminamini: * et facies vestræ non confundentur.

Iste pauper clamavit, et Dominus exaudivit eum: * et de omnibus tribulationibus ejus salvavit eum.

Immittet Angelus Domini in circuitu timentium eum, * et eripiet eos.

Gustate et videte quoniam suavis est Dominus: * beatus vir qui sperat in eo.

Timete Dominum, omnes sancti ejus: * quoniam non est inopia timentibus eum.

Divites egierunt, et esurierunt: * inquirentes autem Dominum non minuentur omni bono.

Venite, filii, audite me: * timorem Domini docebo vos.

Quis est homo qui vult vitam, * diligit dies videre bonos?

Prohibe linguam tuam à malo: * et labia tua ne loquantur dolium.

Diverte à malo, et fac bonum : * inquire pacem, et persequere eam.

Oculi Domini super justos, * et aures ejus in precibus eorum.

Vultus autem Domini super facientes mala; * ut perdat de terra memoriam eorum.

Clamaverunt justi, et Dominus exaudivit eos; * et ex omnibus tribulationibus eorum liberavit eos.

Juxta est Dominus iis, qui tribulato sunt corde; * et humiles spiritu salvabit.

Multae tribulationes justorum, et de omnibus his liberabit eos Dominus.

Custodit Dominus omnia ossa eorum; * unum ex his non conteretur.

Mors peccatorum pessima; * et qui oderunt justum, delinquent.

Redimet Dominus animas servorum suorum; * et non delinquent omnes qui sperant in eo.

Antiph. Gustate et videte quoniam suavis est Dominus; beatus vir qui sperat in eo.

Antiph. Propter veritatem, et mansuetudinem, et justitiam, intende, prospere procede, et regna.

Psalmus 44.

Eructavit cor meum verbum bonum; * dico ego opera mea Regi.

Lingua mea calamus scribae * velociter scribentis.

Speciosus forma praefiliis hominum; diffusa est gratia in labiis tuis; * propterea benedixit te Deus in aeternum.

Accingere gladio tuo super femur tuum, * Potentissime,

Specie tua, et pulchritudine tua, * intende, prospere procede, et regna,

Propter veritatem, et mansuetudinem, et justitiam; * et deducet te mirabiliter dextera tua.

Sagittae tuae acutae; populi sub te cadent, * in corda inimicorum Regis.

Sedes tua, Deus, in seculum seculi; * virga directionis virga regni tui.

Dilexisti justitiam, et odisti iniquitatem; * propterea unxit te, Deus, Deus tuus oleo laetitiae praefans consortibus tuis,

Mirra, et gutta, et casia à vestimentis tuis, à domibus eburneis; * ex quibus delectaverunt te filiae regum in honore tuo.

Astitit regina à dextris tuis in vestitu deaurato; * circumdata varietate.

Audi, filia, et vide, et inclina aurem tuam, * et obliviscere populum tuum, et domum patris tui.

Et concupiscet Rex decorem tuum; * quoniam ipse est Dominus Deus tuus, et adorabunt eum.

Et filiae Tyri in muneribus; * vultum tuum deprecabuntur omnes divites plebis.

Omnis gloria eius, filiae Regis, ab intus; * in fimbriis aureis circumamicta varietatibus.

Adducentur Regi virgines post eam; * proximae ejus afferentur tibi.

Afferentur in laetitia, et exultatione; * adducentur in templum Regis.

Pro patribus tuis nati sunt tibi filii : * constitues eos principes super omnem terram.

Memores erunt nominis tui * in omni generatione, et generationem.

Propterea populi confitebuntur tibi in æternum, * et in seculum seculi.

Antiph. Propter veritatem, et mansuetudinem, et justitiam, intende, prospere procede, et regna.

Antiph. Judicabit populum in justitia, et pauperes in judicio.

Psalmus 71.

Deus, iudicium tuum Regi da : * et justitiam tuam filio Regis.

Judicare populum tuum in justitia, * et pauperes tuos in judicio.

Suscipiant montes pacem pupulo ; * et colles justitiam.

Judicabit pauperes pupuli, et salvos faciet filios pauperum ; * et humiliabit calumniatorem.

Et permanebit cum sole, et ante lunam * in generatione, et generationem.

Descendet sicut pluvia in vellus ; * et sicut stillicidia stillantia super terram.

Orietur in diebus ejus justitia, et abundantia pacis ; * donec auferatur luna.

Et dominabitur à mari usque ad mare ; * et à flumine usque ad terminos orbis terrarum.

Coram illo procident Æthiopes ; * et inimici ejus terram lingent.

Reges Tharsis et insulæ munera offerent : * reges A-

rabum, et Saba dona adducent.

Et adorabunt eum omnes reges terræ : * omnes gentes servient ei :

Quia liberabit pauperem à potente, * et pauperem, cui non erat adjutor.

Parcet pauperi, et inopi ; * et animas pauperum salvas faciet.

Ex usuris et iniquitate redimet animas eorum ; * et honorabile nomen eorum coram illo.

Et vivet, et dabitur ei de auro Arabiæ ; et adorabunt de ipso semper : * tota die benedicent ei.

Et erit firmamentum in terra, in summis montium, superextolletur super Libanum fructus ejus ; * et florebunt de civitate sicut fœnum terræ.

Sit nomen ejus benedictum in secula ; * ante solem permanet nomen ejus.

Et benedicentur in ipso omnes tribus terræ : * omnes gentes magnificabunt eum.

Benedictus Dominus Deus Israel, * qui facit mirabilia solus.

Et benedictum nomen majestatis ejus in æternum ; * et replebitur majestate ejus omnis terra : fiat, fiat.

Antiph. Judicabit populum in justitia, et pauperes in judicio.

Ps. Mihi autem adhærere Deo bonum est :

Ps. Ponere in Domino Deo spem meam.

Absolutio. Pater noster... Ipsius pietas...

Ps. Jube, Domine, benedicere.

Benedictio. Deus Pater omnipotens...

De Sermone S. Bernardi
Abbatis.

Serm. 3. de Pass. Dom.

Lectio iv.

Quia semel vénimus ad Cor
dulcissimum Jesu, et bo-
num est nos hic esse; ne
sinamus nos facilè avelli ab
eo, de quo scriptum est:
Recedentes à te in terra scri-
bentur. Quid autem acce-
dentes? Tu ipse doces nos:
tu dixisti accedentibus ad
te, Gaudete, quia nomina
vestra scripta sunt in cœ-
lo. Accedamus ergo ad te,
et exultabimus, et lætabi-
mur in te, memores Cordis
tui. O quam bonum, et quam
jucundum habitare in Corde
hoc! Quin potius dabo
omnia, omnes cogitationes
et affectus mentis commu-
tabo, jactans omne cogi-
tatum meum in Cor Domini
Jesu, et sine fallacia illud
me enutriet.

Introduxit me Rex in
cellaria sua: ordinavit in
me charitatem. * Fulci-
te me floribus, stipate me
malis, quia amore langueo.

Sub umbra illius,
quem desideraveram, sedi:
et fructus ejus dulcis guttu-
ri meo.

Fulcite me...

Lectio v.

Ad hoc Templum, ad hæc
Sancta Sanctorum, ad hanc
Arcam Testamenti adorabo,
et laudabo nomen Domini,
dicens cum David: Invenit
cor meum, ut orem Deum
meum. Et ego inveni Cor
Regis, Fratris, et Amici

benigni Jesu. Quid nunquid
non adorabo? Hoc igitur
Corde tuo et meo, dulcis-
sime Jesu, invento, orabo
te Deum meum: admitte
tantum in Sacramentum exau-
ditionis tuæ preces meas; im-
mò me totum trabe in Cor
tuum. O omnium pulchritu-
dine speciosissime Jesu! am-
plius lava me ab iniquitate
mea, et à peccato meo munda
me; ut purificatus per te
purissimum, possim accede-
re, et in Corde tuo omni-
bus diebus vitæ meæ in-
reare habitare, et ut videre
simul, et facere tuam va-
leam voluntatem.

Haurietis aquas in gau-
dio de fontibus Salvatoris:
et dicetis in illa die: * Con-
fitemini Domino, et invo-
cate nomen ejus.

Ecce Deus meus Sal-
vator meus, fiducialiter a-
gam, et non timebo.

Confitemini...

Lectio vi.

Ad hoc enim perforatum
est latus tuum, ut nobis pa-
tescat intròitus. Ad hoc vul-
neratum est cor tuum, ut in
illo, et in te, ab exteriori-
bus perturbationibus absolu-
ti, habitare possimus. Nihil-
ominus et propterea vulne-
ratum est, ut per vulnus vi-
sibile, vulnus amoris invi-
sibile videamus. Quid modo
hic ardor melius ostendi po-
test, nisi quòd non solum
corpus, verum etiam ipsum
Cor lancea vulnerari permi-
sit? Carnale ergo vulnus, vul-
nus spirituale ostendit. Quid
illud Cor tam vulneratum
non diligit? Quid tam amans
non redamet? Quis tam cas-

tum non amplectatur? Nos igitur adhuc in corpore manentes, quantum possumus, amemus, redamemus, amplectamur vulneratum nostrum, cuius impii agricolæ foderunt manus et pedes, latus et cor. Stemusque, ut cor nostrum durum adhuc et impœnitens amoris sui vinculo constringere, et jaculo vulnerare dignetur.

Auferam cor lapideum de carne vestra: et dabo vobis cor carneum: Et Spiritum meum ponam in medio vestri.

Effundam super vos aquam vivam; et mundabimini ab omnibus inquinamentis vestris.

Et Spiritum meum...

Gloria Patri...

Et Spiritum meum...

IN III. NOCTURNO

Antiph. Misericordiam et veritatem diligit Deus: gratiam, et gloriam dabit Dominus.

Psalmus 83.

Quam dilecta tabernacula tua, Domine virtutum! * concupiscit, et deficit anima mea in atria Domini.

Cor meum et caro mea * exultaverunt in Deum vivum.

Etenim passer invenit sibi domum, * et turtur nidum sibi, ubi ponat pullos suos.

Altaria tua, Domine virtutum, * Rex meus, et Deus meus.

Beati qui habitant in domo tua, Domine: * in secula seculorum laudabunt te,

Beatus vir, cuius est auxilium abs te; * ascensiones in corde suo disposuit, in valle lacrymarum, in loco quem posuit.

Etenim benedictionem dabit legislator, ibunt de virtute in virtutem; * videbitur Deus deorum in Sion.

Domine Deus virtutum, exaudi orationem meam: * auribus percipe, Deus Jacob.

Protector noster, aspice, Deus; * et respice in faciem Christi tui;

Quia melior est dies una in atris tuis * super millia.

Elegi abjectus esse in domo Dei mei, * magis quam habitare in tabernaculis peccatorum.

Quia misericordiam et veritatem diligit Deus: * gratiam, et gloriam dabit Dominus.

Non privabit bonis eos, qui ambulant in innocentia: * Domine virtutum, beatus homo qui sperat in te.

Misericordiam, et veritatem diligit Deus: gratiam et gloriam dabit Dominus.

Dominus dabit benignitatem; loquetur pacem in plebem suam.

Psalmus 84.

Benedixisti, Domine, terram tuam; * avertisti captivitatem Jacob.

Remisisti iniquitatem plebis tue; * operuisti omnia peccata eorum.

Mitigasti omnem iram tuam; * avertisti ab ira indignationis tue.

Converte nos, Deus salu-

taris noster ; * et averte iram tuam à nobis.

¿Nunquid in æternum irascéris nobis ? * ¿aut extendes iram tuam à generatione in generationem ?

Deus , tu conversus vivificabis nos , * et plebs tua lætabitur in te.

Ostende nobis , Domine , misericordiam tuam ; * et salutare tuum da nobis.

Audiam quid loquatur in me Dominus Deus ; * quoniam loquétur pacem in plebem suam ,

Et super sanctos suos , * et in eos qui convertuntur ad cor.

Veruntamen prope timentes eum salutare ipsius ; * ut inhabitet gloria in terra nostra.

Misericordia et veritas obviaverunt sibi : * justitia et pax osculatæ sunt.

Veritas de terra orta est , * et justitia de cœlo prospexit.

Etenim Dominus dabit benignitatem , * et terra nostra dabit fructum suum.

Justitia ante eum ambulabit ; * et ponet in via gressus suos.

Antiph. Dominus dabit benignitatem ; loquétur pacem in plebem suam.

Antiph. Suavis et mitis es , Domine ; et multæ misericordiæ omnibus invocantibus te.

Psalmus 85.

Inclina , Domine , aurem tuam , et exaudi me ; * quoniam inops et pauper sum ego.

Custodi animam meam,

quoniam sanctus sum : * salvum fac servum tuum , Deus meus , sperantem in te.

Miserere mei , Domine , quoniam ad te clamavi tota die : * lætifica animam servi tui , quoniam ad te , Domine , animam meam levavi ;

Quoniam tu , Domine , suavis et mitis ; * et multæ misericordiæ omnibus invocantibus te.

Auribus percipe , Domine , orationem meam ; * et intende voci deprecationis meæ.

In die tribulationis meæ clamavi ad te ; * quia exaudisti me.

Non est similis tui in diis , Domine ; * et non est secundum opera tua.

Omnes gentes , quascumque fecisti , venient , et adorabunt coram te , Domine ; * et glorificabunt nomen tuum ;

Quoniam magnus es tu , et faciens mirabilia ; * tu es Deus solus.

Deduc me , Domine , in via tua , et ingrediar in veritate tua : * lætetur cor meum ut timeat nomen tuum.

Confitebor tibi , Domine Deus meus , in toto corde meo ; * et glorificabo nomen tuum in æternum ;

Quia misericordia tua magna est super me , * et eruisti animam meam ex inferno inferiori.

Deus , iniqui insurrexerunt super me , et synagoga potentium quæsierunt animam meam : * et non proposuerunt te in conspectu suo.

Et tu , Domine Deus miserator et misericors , *

patiens, et multæ misericordiae, et verax,

Respice in me, et miserere mei; * da imperium tuum puero tuo, et salvum fac filium ancillæ tuæ.

Fac mecum signum in bonum, ut videant qui oderunt me, et confundantur; * quoniam tu, Domine, adjuvisti me, et consolatus es me.

Antiph. Suavis et mitis es, Domine; et multæ misericordiae omnibus invocantibus te.

* Misericordia Domini ab æterno,

* Et usque in æternum super timentes eum.

Pater noster...

Absolutio. A vinculis...

* Jube, Domine, benedicere

Benedictio. Evangelica lectio...

Lectio sancti Evangelii secundum Joannem.

Cap. 15.

In illo tempore: Dixit Jesus discipulis suis: Sicut dilexit me Pater, et ego dilexi vos. Manete in dilectione mea. Et reliqua.

Homilia sancti Bernardi Abbatis.

Serm. 13. in *Cana Dom.*

Lectio vii.

De dilectione Dei, quo plus bibo, plus sitio; et ea saturari non possum, nec ego, nec aliquis diligens Christum. Ipsa quò plus editur, plus famem exauget; et quanto plus ipsa bibitur, plus sitim inacuit: ipsam, quam

inhabitat, mentem sic inebriat, ut nihil jam quærat, vel diligit, nec diligere possit, nec valeat præter eum, qui sic mundum dilexit, ut Filium suum unigenitum daret, ut omnis, qui credit, et diligit illum, non moriatur, sed vivat cum eo. Ad hanc nos dilectionem auctor ipse inæstimabilis charitatis invitat: in ea nos manere precatur, et rogat. Ait enim: Manete in dilectione mea: ac si aperte dicat: Quia ego ea dilectione, qua me Pater diligit, vos diligo: eadem dilectione me vos diligere rogo. Et quoniam dilectio vestra me usque ad mortem perduxit, sed neque mors crudelissima ipsa à vestra charitate me sejunxit, me diligite; et in ea dilectione manete.

* Sicut dilexit me Pater, et ego dilexi vos:
* Manete in dilectione mea.

* Si præcepta mea servaveritis, manebitis in dilectione mea, sicut et ego Patris mei præcepta servavi, et maneo in ejus dilectione. Manete...

Lectio viii.

Sed qualiter in ejus dilectione manere debeamus, sequitur, et dicit: Si præcepta mea servaveritis, manebitis in ea dilectione, sicut Patris mei præcepta servavi, et maneo in ejus dilectione. Hæc opera, fratres mei, sunt causa dilectionis Christi: unusquisque vestrum videat, si Dominum Jesum diligere debeat. Quid pro vobis facere debuit, et

non fecit? Quomodo non plus amare potuit, et non amavit? Majorem in nobis dilectionem non potuit habere, quam habuit: quia animam suam pro nobis posuit. Ipsa beata veritas testis est, Quam majorem nemo habet, ut animam suam ponat quis pro amicis suis. Non ergo nobis vilescat, fratres mei, ipsa dilectio Christi, qui dilexit nos, et lavit nos à peccatis nostris in sanguine suo: non vobis vilescat, fratres mei; non vobis amarescat ipse amor Christi, ipsa charitas Christi.

R. Christus pro nobis animam suam posuit: Et lavit nos à peccatis nostris in sanguine suo.

P. Majorem charitatem nemo habet, ut animam suam ponat quis pro amicis suis.

Et lavit nos...
Gloria Patri...
Et lavit nos...

Lectio ix:

Amor Christi totus dulcis, totus delectabilis: suum possessorem non cruciat, sed delectat; non enervat, sed roborat; cuncta terrena subsannat; sola cœlestia captat. Christi mandata requirit, et ea pro viribus observare contendit: et de observatione præceptorum gressu felici provehitur ad perceptionem gaudiorum, ut cum illo jam perfectè gaudeat, pro cuius desiderio in hac valle lacrymarum positus, tam amare feliciter suspirabat. Unde rectè sequitur: Hæc locutus sum vobis, ut

gaudium vestrum impleatur; ac si diceret: Ideò præcipio vobis, et moneo vos mea observare præcepta, et manere in dilectione mea, ut gaudium meum in vobis sit, et gaudium vestrum de me adimpleatur; ut habeam de vobis per mutuam charitatem, quam mihi impenditis, undè possim gaudere; et illud gaudium, quod in retributione præmiorum electi sunt percepturi, percipere, et possidere possitis.

Te Deum laudamus...

AD LAUDES

Ant. Discite à me quia mitis sum, et humilis corde; et invenietis requiem animabus vestris.

Psalmus. Dominus regnavit... cum reliq. de Laudibus David.

Antiph. Suavis est Dominus, et in æternum misericordia ejus.

Antiph. Sitivit in te, anima mea; quia melior est misericordia tua super vitas.

Antiph. Sancti, et humiles corde, benedicite Domino: laudate, et superexaltate eum in secula.

Antiph. Beneplacitum est Domino in populo suo; et exaltavit mansuetos in salutem.

Capitulum. Cant. 3.

Egredimini, et videte, filiæ Sion, regem Salomonem in diademate, quo coronavit eum mater sua in die desponsationis ejus, et in die lætitiæ Cordis ejus,

Hymnus.

Suumi Parentis Filio,
 Patri futuri seculi,
 Pacis beatæ Principi,
 Promanus ore canticum.
 Qui vulneratus pectore
 Amoris ictum pertulit,
 Amoris urens ignibus
 Ipsum qui amantem dili-
 gunt.
 Jesu doloris victima,
 Quis te innocentem com-
 pulsit,
 Dura ut apertum lancea
 Latus patéret vulnere?
 O fons amoris inclite!
 O vena aquarum limpida!
 O flamma adurens cri-
 mina!
 O Cordis ardens chari-
 tas!
 In Corde, Jesu, jugiter
 Reconde nos, ut liberi
 Dono fruamur gratiæ,
 Cœlique tandem præmiis.
 Semper Parenti, et Filio
 Sit laus, honor, sit glo-
 ria,
 Sancto simul Paraclito
 In seculorum secula.
 Amen.

✠. Misericordia Domini
 ab æterno,
 ✠. Et usque in æternum
 super timentes eum.

Ad Benedictus

Antiph. Per viscera mi-
 sericordiæ suæ visitavit nos
 Deus, et fecit redemptio-
 nem populi sui. Alleluia.

Oratio.

Fac nos, Domine Jesu,
 sanctissimi Cordis tui vir-
 tutibus indui, et affectibus
 inflammari; ut et magini
 bonitatis tuæ conformes, et
 tuæ redemptionis merea-
 mur esse participes; Qui
 vivis et regnas...

AD PRIMAM

Antiph. Discite à me...
 ✠. brev. Christe Fili Dei
 vivi, ✠. Miserere nobis.
 Christe...

✠. Per quem salvati, et
 liberati sumus. Miserere...
 Gloria Patri... Christe...

✠. Exurge, Christe, ad-
 juva nos:

✠. Et libera nos propter
 nomen tuum.

Ad Absolut. Capitulum.
 Lev. III. Improperium
 expectavit cor meum... ut
 intrā ad Nonam.

AD TERTIAM

Antiph. Suavis est Do-
 minus.

Capitulum. Egredimini... ut
 ad Laudes.

✠. br. Misericordia tua,
 Domine, ✠. Plena est ter-
 ra. Misericordia tua...

✠. Justificationes tuas do-
 ce me. Plena est terra.

Gloria Patri... Misericordia
 tua, Domine...

✠. Secundum misericor-
 diam tuam, vivifica me,
 Domine;

✠. Et custodiam testimo-
 nia oris tui.

AD SEXTAM

Antiph. Sitivit in te.

Capitulum. Cant. 8.

Pene me ut signaculum
 super Cor tuum, ut signa-
 culum super brachium tuum;
 quia fortis est, ut mors, di-
 lectio.

✠. br. Secundum miseri-
 cordiam tuam, ✠. Vivifica

me, Domine. Secundum...

✠. Et custodiam testimonia oris tui. Vivifica me, Domine. Gloria Patri... Secundum...

✠. Fac cum servo tuo secundum misericordiam tuam:

✠. Et doce me justificationes tuas.

AD NONAM

Antiph. Beneplacitum...

Capitul. Psalm. 68.

Improperium expectavit Cor meum, et miseriam: et sustinui, qui simul contristaretur, et non fuit; qui consolaretur, et non inveniri.

✠. Fac cum servo tuo secundum misericordiam

tuam. Fac cum servo tuo...

✠. Et justificationes tuas doce me. Secundum misericordiam tuam. Gloria Patri. Fac cum servo tuo...

✠. Veniat super me misericordia tua, Domine:

✠. Salutare tuum, secundum eloquium tuum.

IN II. VESPERIS

Omnia ut in primis, preterea...

✠. Misericordia Domini a progenie in progenies

✠. Timentibus eum.

Ad Magnificat

Antiph. Suscepit nos Dominus in sinum, et Cor suum, recordatus misericordiae suae. Alleluia.

Oratio, ut supra.



Innumera inter pietatis argumenta , quibus pientissimus Rex noster Ferdinandus VII. nobis patriæque non sine Numine restitutus, Religionem , Deique O. M. cultum ardentè promovit, et porrò promovère pergit, illud non ultimum locum habet, quod nuperrimè exhibuit. Cum enim religiosus vidisset Princeps imperium suum unum esse, in quo peculiaris erga divinissimum Jesu Christi Cor cultus ratio per universam fere Europam maximo animarum lucro adoptata, et ubique sparsa, vix agnosceretur, statim ad Sanctissimum D. N. Pium VII. litteras dedit, quibus litteris efflagitavit, ut singularis hæc totque prodigiis constabiliata inter Catholicos devotio in Hispaniensem Ecclesiam aliarum nationum exemplo induceretur, eò, vel maximè, quod experientia compertum sit, ubicumque hic cultus floresceret in præcedenti rerum omnium eversione probitatis et pietatis semina, cum alibi maximè languerent, vel minimè, vel parum elanguisse. Cum autem oporteat rebus inter nos in melius conversis, avitam Hispanorum pietatem reflorescere, nihil satius, utiliusque esse posse videtur, quàm si hæc erga sacratissimum Jesu Christi Domini nostri Cor devotio, qua præcipua in nos Charitatis ejus beneficia recolimus, apud nos et recipia-

tur, et Deo favente amplificetur. Annuit Regis votis SSmus. Pontifex, et Litteris Apostolicis in forma Brevis jussit, ut hic cultus ad omnes Ecclesias in ditione Regis Catholici positas extendatur, et in singulis Officium et Missa, jam dudum pro Lusitanæ et Algarbiorum Regnis approbata et concessa, feriâ sextâ post Octavam Corporis Christi sub ritu duplici secundæ classis recitentur, inibique ab omnibus sacerdotibus tam secularibus, quam regularibus celebrentur. Ut verò hæc nova Catholici Regis nostri beneficentia nota fiat, et executioni protinus demandetur, mihi in mandatis dedit, ut ad singulos Cleri secularis, et regularis Præsules Litterarum Apostolicarum exemplar transmittam. Quod Majestatis suæ mandatum non modò libentissimè, sed et maximo cum animi mei solatio per hæc meas litteras exequor; ratus fore, ut hic SSmi. Cordis cultus à Calvinistis et Calvinianorum surculis tantòperè oppugnatus, et à Sede Apostolica toties approbatus, et confirmatus optabiles et Ecclesiæ Hispaniensi multifariam utiles fructus sit, Deo auspice, producturus. Datum Matrithi die vigesima secunda mensis Maii anni millesimi octingentesimi decimi sexti.

*Franciscus Antonius,
Indiarum Patriarcha.*



PIUS PP. VII.

AD FUTURAM REI MEMORIAM.

*E*xpositum nobis nuper fuit pro parte charissimi in Christo Filii nostri Ferdinandi VII. Hispaniarum Regis Catholici, quod ipse ad magis, magisque conservandam, augendamque devotionem erga sanctissimam Passionem Domini nostri Jesu Christi, Officium cum Missa sacratissimi Cordis Jesu jam aliàs approbatum pro regnis Portugaliæ et Algarbiorum recitandum, et respectivè celebrandum Feria VI. post Octavam Solemnitatis SSmi. Corporis Christi ab universo Clero tam seculari, quàm regulari ritu duplici secunda classis, extendi ad omnia Regna, et Ditiones prædictæ Majestatis sua summo perè desiderat. Nobis propter eam ejusdem Majestatis sue nomine humiliter supplicatum fuit, ut in præmissis opportundè providere, ac, et infrà, indignè de benignitate Apostolica dignaremur. Nos igitur pils ejusdem Majestatis sua votis, quantum cum Domino possumus, annuere volentes, et omnes ac singulares personas, quibus præsentis nostræ Litteræ favent, à quibusvis excommunicationis, suspensionis, et interdicti, aliisque ecclesiasticis sententiis, censuris, et penis à jure, vel ab homine quavis occasione, vel causa latis, si quibus

quomodolibet innodata existunt, ad effectum presentium dumtaxat consequendum harum seriè absolvi, et absolutas fore censentes, hujusmodi supplicationibus inclinati, referente dilecto Filio Magistro Sala, Secretario Coadjutore Congregationis venerabilium Fratrum nostrorum S. R. E. Cardinalium Sacris Ritibus prepositorum, Officium cum Missa sacratissimi Cordis Jesu, jam aliàs approbatum pro Regnis Portugaliæ et Algarbiorum recitandum et respectivè celebrandum Feria VI post Octavam Solemnitatis SSmi. Corporis Christi ab universo Clero tam seculari, quàm regulari ritu duplici secundæ classis, ad omnia Regna, et Ditiones Hispaniarum Majestati suæ subjectas, auctoritate Apostolica, tenore presentium extendimus. Non obstantibus constitutionibus et ordinationibus Apostolicis, aliisque contrariis quibuscumque. Volumus autem, ut presentium Litterarum transumptis etiã impressis, et manu alicujus Notarii publici subscriptis, et sigillo personæ in ecclesiastica dignitate constituta munitis, eadem prorsus fides in judicio, et extrâ adhibeatur, quæ ipsis presentibus adhiberetur, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die VII Decembris MDCCCXV. Pontificatus nostri anno decimo sexto. — R. Card. Braschius de Honestis. — Visto por el Ministro y Agente general del Rey nuestro Señor. Romana 15 de diciembre de 1815. — Antonio de Vargas. — Registrado fol. 425, número 82, año 1816.

En vista de este Breve expedido á instancia de S. M., por el que S. S. extiende á todos los Reynos y dominios

de España el Oficio con Misa del sacratísimo Corazon de Jesus, ya antes de ahora aprobado para los Reynos de Portugal y de los Algarbes, que debe rezarse, y respectivamente celebrarse con rito doble de segunda clase por todo el Clero, así secular como regular, el viernes despues de la octava de la solemnidad del Smo. Corpus Christi; y de lo expuesto por el señor Fiscal, ha concedido la Cámara el pase en la forma ordinaria por decreto de este dia. Madrid diez y siete de abril de mil ochocientos diez y seis. — *Cristobal Antonio de Ibarraza.*

Concuerta con el breve original latino, que se me ha remitido de órden de S. M.; y para que conste, lo firmé y mandé sellar y refrendar en Madrid á 22 dias del mes de mayo de 1816.

*Francisco Antonio,
Patriarca de las Indias.*


Legar  del sello.


*Luis Exarque,
Srio.*



MADRID
IMPRENTA DE LA REAL COMPAÑIA

1824.





colorchecker CLASSIC



calibrite

mm